

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Architectura vniversalis

Furttentbach, Joseph

Ulm, 1635

Der Auffzug deß Poelers

[urn:nbn:de:bsz:31-108034](https://nbn-resolving.org/urn:nbn:de:bsz:31-108034)

o. da ist der Zirkelpuncten/man stelle demnach den Zirkel in. o. vnd ergreiffe mit seinem andern Schenckel den Puncten. m. vnd thue den Zirkelriß biß in. P. noch einmal den Zirkel in. m. gesetzt/ vnd das Ritlin. n. gethan/ Endtlich den Zirkel in. X. gestellt/ vnd noch ein Ritlin gemacht / wo sie nun ober einander lauffen/ als bey

n. da ist der Zirkelpuncten: Letztlich so wirdt der Zirkel in. n. gesetzt/ vnd mit dem andern Fuß den Puncten. X. ergriffen/ von dannen biß in. m. ein Zirkelriß gethan/ die noch vbrige grade Linien aber mit dem Lineal gezogen/ so ist der fordere Theil des Pölerschafft auch fertig. Von.

W. in. V. ist der Zapffen Einlag: Wie aber die zween

Pfulgen (auff welchen hernach des Pölers Boden zwischen den beeden Nebenwänden mit Keidlen wol vnd satt kan befestiget werden) zwischen den seiten Wänden eingesezt seynd/ das gibt der Abriß zu erkennen / Vnd dan

Ben
S. Q. T. R. wirdt die Form des mittlern Riegels angedeut/ welcher sonst an andern Orten zu machen nicht im Gebrauch/ er ist aber von grosser Importantz vnd Nutzbarkeit/ vnd mag ohn einige Verhinderung des Pöler Kohrs (ob man schon darauß werffen oder schiessen wolte) gar wol gelitten werden/ der dann die oft angedeute beede seiten Wänd sehr fest beyssammen erhalten thut: In der mitten desselbigen aber wirdt noch ein eysener Nagel durchgezogen/ vnd sehr fest gemacht/ so das fürnembsie an diesem Schafft zu consideriren ist. Also hat der Zimmerman die engentliche Proportion von einer Nebenwand/ sampt dem Boden zum Schafft des Pölers/ vnd wann er vorgehörter massen dieser Instruction folg leisten thut / so wirdt er ein nützlich vnd beständige Machinam zu Werck sehen.

Ein besondrer nütlicher Riegel im Pöler Schafft.

Der Aufzug des Pölers.

Nie wirdt der Pöler Schafft / wie er dann vornen her ein ansehen hat/ mit seinen zwo vffrechten Wänden / dem Boden Pfulgen / vnd dem mittel Riegel/ wie sie dann in ihrem Durchschnitt ein ansehen haben/ für Augen gestellt/ welches nun abermahlen dem Zimmermann zu sonderem gutten Behelff dienen wirdt.

Der Aufzug des Pöler Schafft.

Der ganz verfertigte Pöler.

Wann endtlich der Pöler gar außgemacht/ vnd auch beschlagen worden ist/ so wirdt er hiegegenwertiges ansehen bekommen. Sonst aber noch mehr vergebliche Vnkosten in machung der Zieraden/ an das Beschlag anzuwenden/ das ist nicht rathsam sintemahlen er doch in allen begeben den Ocalionen so wol die Stöß / als auch am Regen vnd Schnee zu stehen/ erdulden muß: Daher so ist einig vnd allein auff sein Stärke vnd Beständigkeit zu sehen/ das fürnembsie aber hiebey zu observiren ist dieses/ daß bey

Der rechte ganz verfertigte Pöler.

z. Das